

通州直隸州志

卷首

疆域志

一冊

330.129
129
69.1216

光緒
通
州
志



中國人民銀行
LIBRARY OF THE
PEOPLES BANK OF CHINA

通州直隸州志序

通州志失修垂百二十年同治
間梁君心曙莫君善徵相繼牧
茲上延知名士纂輯校讎始成
辰逢甲戌凡七年志成予適奉
命視學江蘇按通州莫君以序

通州直隸州志

林叙

謁予初江蘇議輯通志大吏飭
兩屬修郡邑志為之權輿各郡
邑往往以費絀遷延而通州獨
先嚴事吁其難矣予惟人心風
俗之厚薄始於鄉邑終乃極
之天下天下有事決土教民之

所聚受禍常酷而人心風俗之
敦樸好義者常有以自全於
危亡患難之中嗚呼是豈偶然
也哉通州約澤國引源醴渠沃
壤畝數鍾其地南通閩粵北
接齊魯商賈輻輳魚鹽之利

木棉衣布之產甲諸郡而
俗顧厚以樸都人士多積學
植山寺巖巖態曩者身遠
蹂躪南服自揚而蘇而常
先後陷於賊而通州獨晏然不
罹鋒鏑其所以恃以自全耶抑

逆可恃而常無忌耶重瀛陽
絕數萬里挾其奇巧之技肆
其怪誕不經之說以煽惑我民
以網我市利以窺伺我疆土何
日無之曩者之所以自全可恃
耶抑未可恃耶棄未教之人

心風俗培養之厚屬之心學感
邪說者不得作君子愛生禮
小人寶其土物奇技淫巧不
得至於前稽物產之興報休養
生息以裕糧精度形勢之險
要訓練規畫以儆戒不虞雖

百年毒患可也今所修志疆
域增風氣百軍政區水陸
為水師尤詳乎言其六識
時務之宜而憂深息遠者矣
通州轄邑如皋胡安定先生
講學故里也范文正公祠宇富

鄭公屯兵處與岳武穆所鎮
秦興古柴墟鎮今猶有存
焉者予觀其名慕至實使人
心感動油然而不能自己者善教
也能吏類以微績程會為功而
二君舉事細墨之外彰往

詔來可不謂賢哉予既重莫
君之法而臣彼職分慕為顧
孝廉昆仲孝廉於余為通
家素淵雅是書類事膽具
體例不戾於古無待予言言
其大者升於冊是固使者采

通州直隸州志


林叙

五

夙洞俗區、期望之微意也
賜進士出身

日講起居注官

弘德殿行走江蘇督學使者
長樂林天齡序



重修通州志序

光緒紀元夏四月亭奉檄攝宰滬
邑、為五方薈集之地而崇川一江
遙隔郡人士之僑於滬者尤夥每
與晤言間稱其鄉輯志乘閱八年
始成既成矣以艱於費不果行時

閱之若有兩動於中而不覺也今
夏調權是郡甫下車郡士大夫
即以州志刷印為請噫是天假之
緣耶抑亦人事之適相會合耶攷
崇川星分斗野域界揚州值江海
之支匯為淮徐之門戶狼軍五山

屹然雄峙是地擅其勝也況夫碩
德宏儒代有傳人其仕於朝者經
文緯武焜耀閭里其潛於野者枕
經菲史著作等身以及高人逸士
節婦義夫載諸簡冊者皆足動
人景仰之思至若魚鹽之利木棉

之數甲於他郡市者願藏於市
農者願耕於野阡陌相安號稱
易治更可羨者粵寇之害東南
才盡畫皆蹂躪而崇川一郡豎
泰如兩邑獨完善無恙又復徵防
練饗仗義踈財無干戈之擾無難

散之驚而名邑之遷避於是邦者比鄰相按復覩昇平何天之獨厚於是郡特於烽火瘡痍之中留此一綫之生機也今閱是書後建置則無殘缺不完之字也後田賦則無荒蕪不墾之田也故茲邦祿樂土而

是書亦遂為完書。成於前守獨山莫君實經始於合肥梁君總其事者為季京卿君梅沈觀察笠湖分纂者顧廣文綺嵐顧孝廉晴谷皆是邦所矜式者鏤板甫就適事承乏斯土為之開印成

書以廣傳播是真天俟之緣耶抑
果人事之適相會合耶郡士大夫
亟囑弁數序於其首事不敏曷敢
與聞斯役重以賢士大夫之請聊
記顛末以志欽羨之云云光緒二
年歲在丙子律中黃鐘之月知

通州事鐵嶺松亭序



新修通州志序

余於甲戌仲冬調攝通州甫視
篆前守合肥梁君以志書屬余
曰此余未遂之宿志也今七年
於茲矣以遷延之故度支耗罄
非議叢生吾子善園夙終可

乎余曰語云糜費萬貫止飾
一車誠不知其然也然斯役也
非守土者之任而誰任之新唐
書修十七年而稱完善元史
修一年而多廢率遲之者
非咎也何幸從百餘年後網

羅散佚至今日而垂成坐令
井廢九仞山虧一篲於心安乎
乃敷趣乎民益以釀金凡十有
三月而工竣斯書也證之前志
缺者補之謬者正之俚俗者文
之繁縟者節之凡夫忠臣孝

子義夫貞婦如見如聞可歌可
泣及一切沿革興廢盛衰得失
之由較往昔加詳焉余尤有感
者清平孫維海先生為吾黔
理學名臣其先本如皋（燕）
莊人以故郡邑志皆有傳先

生振興黜學功最鉅數百年
未黜之學者喜不俎豆于余蒞
形土而鄉先賢之前代里居
坊表近在咫尺用兢上焉更切
矜式之思矣書既成邦人士
咸拚手而言曰明黃溥修江陰

志將成而溥去塵封卷帙比幾
二十年符上黨王泮至而後鋟
其板以行今前主梁侯諱與
謀始後主君侯誰與圉終余聞
之祿益惶愧余之歲斯役也不
過偕在事諸君子畢梁侯未

堯之志耳若云有功則吾豈
敢光緒元年歲在乙亥季冬
之月獨山莫祥芝序



重修通州志序

事有至繁且難而不容已者又有
衆人所視為無足重輕而不容玩
忽置之者一郡一邑之間簿書錢
穀人皆知為急務矣至於維持風
化培養人材撫卹民生籌興地利

通州直隸州志

梁叙

一

有識者知其較簿書錢穀而更重
矣顧此數事者必就其已然之迹
而明證之因其自然之勢而順導
之欲有以昭法戒備興觀究利弊
竊以為當先於志書求之志書者
政教之輟迹所存也乃郡邑志書

往二因循失修或遲至數十百年
之久往迹就湮采輯愈難不知者
忽焉知之者畏焉文獻無徵遂使
古之時可為借鑑之事後之人皆
茫然焉豈不惜哉通州志書之脩
自乾隆癸酉迄今百二十餘年矣

其間事蹟傳聞異詞湮沒不彰者
殆未可勝數乙丑歲悅馨承乏是
邦意欲重纂丁卯春謁侯相曾文
正公言其事且言擬請季京卿君
楫沈觀察笠湖兩君總其成公以
為然季沈兩先生之學識皆公所